

Emri i projektit: **Mbështetje stabilitetit socio-ekonomik përmes fuqizimit të mikro-bizneseve në Kosovë**

UDHËZUES PËR APLIKIM

1. RRETH PROJEKTIT:

Projekti "Mbështetje stabilitetit socio-ekonomik përmes fuqizimit të mikro-bizneseve në Kosovë" do të realizohet gjatë periudhës maj 2015 deri dhjetor 2016 në komunat: Prishtinë, Mitrovicë, Ferizaj, Graçanicë, Mitrovicë Veriore, Leposaviq, Vushtrri dhe Gjilan.

Qëllimi i përgjithshëm i projektit është të kontribuojë në zhvillim të qëndrueshëm dhe stabilitet në Kosovë me fokus kryesor fuqizimin ekonomik. Përderisa, qëllimi i veçantë është krijimi i vendeve të reja të punës përmes mbështetjes direkte me grante për biznese të vogla.

Nëpërmjet këtij projekti, planifikohet të shpërndahen rreth 430 grante, duke ofruar pajisje në mënyrë që përfituesit të mund të fillojnë apo rrisin biznesin e tyre. Vlera totale mesatare e një granti, për një përfitues, do të jetë 2,000.00 Euro, shumë kjo e cila përfshinë edhe investimin nga përfituesit prej 15%. Krahas pajisjeve, përfituesve do t'u ofrohen edhe trajnime profesionale dhe mbështetje teknike pasi të kenë pranuar pajisjet.

2. KRITERET PËR APLIKIM:

Për t'u kualifikuar për aplikim për fazën e parë, aplikuesi/ja duhet:

- Të jetë banor/e me adresë të përhershme dhe të zhvillojë biznesin në njërin prej komunave të cekur më lartë;
- Të posedojë dokument të vlefshëm identifikues të Republikës së Kosovës;
- Të jetë i gatshëm për pjesëmarrje me bashkëfinancim në investim me shumën prej 15%;
- Të jetë: 1) biznes i ri (start-up), 2) të jetë biznes i regjistruar; 3) të jetë biznes operacional por i pa regjistruar;
- Të dorëzojë të kompletuar aplikacionin sipas thirrjes/të dhënave në aplikacion.

3. KRITERET PËRJASHTUESE:

a) **Aplikuesi/ja do të përjashtohet nga pjesëmarrja e mëtejshme në qoftë se:**

1. Nuk posedon dokument të vlefshëm identifikues të Republikës së Kosovës;
2. Nuk është banor/e i njëres prej komunave të cekura më lartë;
3. Dorëzon aplikacionin pas skadimit të afatit zyrtar;
4. Dorëzon më shumë se një aplikacion;
5. Në mënyrë direkte apo indirekte ofron, premtan, jep apo kërkon mito apo ndonjë përfitim tjetër, me qëllim të krijimit apo zhvillimit të biznesit.

Projektet që nuk financohen nga ky projekt janë:

1. Ide/biznese me karakter religjioz, politik;
2. Ide/biznese që në mënyrë direkte apo indirekte paraqesin rrezik për ambientin (ndot ambientin);
3. Ide/biznese të bazuara në tregti/shitblerje;
4. Ide/biznese që bien ndesh me kuadrin kushtetues dhe ligjor të Republikës së Kosovës;
5. Bursa për studime, udhëtime studimore, pjesëmarrje në konferenca jashtë vendit;
6. Ide që kërkojnë pajisje që nuk janë në përputhje me veprimtarinë e biznesit;
7. Blerja e bagëtive, shpezëve dhe bletëve (përjashtuar pajisjet).

4. KRITERET E PËRZGJEDHJES:

Komisioni i përbashkët i përbërë nga zyrtarë të Help/FKL, zyrtarë komunalë dhe ekspertë të fushave do t'i shqyrtojnë të gjitha aplikacionet e pranuar. Para fillimit të procesit të përzgjedhjes në fazën e parë dhe në përputhje me objektivat e projektit, do të përcaktohen edhe kriteret ekonomike dhe sociale.

Kriteret ekonomike për të vlerësuar idetë e biznesit të aplikantëve janë:

- Shkathtësitë e aplikantëve;
- Njohja e aktivitetit të propozuar;
- Konkurrenca;
- Kërkesat ligjore për të bërë biznes në Kosovë;
- Justifikimi i pajisjeve të kërkuara;
- Të ardhurat e pritshme;
- Shpenzimet;
- Fitimi etj.

Kriteret sociale i referohen:

- Gjendjes sociale të përfituesve potencial dhe shkallës së ndjeshmërisë
- Vlerësimit të kushteve të jetesës;
- Të ardhurave të disponueshme të familjes, dhe
- Fakteve tjera relevante.

5. PRIORITETET:

Gjatë vlerësimit të aplikacioneve prioritet do të kenë:

1. Idetë e reja/inovative dhe me potencial për rritje dhe qëndrueshmëri;
2. Bizneset, të cilat krijojnë më shumë vende të reja pune;
3. Kandidatet gra;
4. Personat e moshës prej 18-30 vjeç;
5. Komunitetet;
6. Personat me aftësi të kufizuara;
7. Personat me më pak mundësi punësimi.

6. MËNYRA E PËRKRAHJES:

Përkrahja financiare dhe bashkë-financimi do t'u shpërndahet përfituesve që i kanë plotësuar të gjitha kriteret e nevojshme dhe kanë fituar pikët maksimale në bazë të kriterëve të vlerësimit.

Përkrahja financiare dhe bashkëfinancimi do të ndahet në pajisje (jo në para të gatshme). Shuma të cilën do ta ndajë Help/FKL për një përfitues është mesatarisht 2,000.00 Euro - këtu përfshihet edhe bashkëfinancimi nga përfituesi me 15% të vlerës.

7. VLERËSIMI I APLIKACIONEVE:

1. Help/FKL do ta formojnë komision të pavarur, i cili do t'i vlerësojë të gjitha aplikacionet;
2. Komisioni i pavarur në tërësi dhe i vetëm, është përgjegjës për zgjedhjen e ideve fituese;
3. Komisioni i pavarur, në mënyrë të paanshme dhe në pajtim me kriteret e aprovuara do t'i vlerësojë të gjitha aplikacionet e pranuar;
4. Help/FKL mbanë të drejtën që t'i refuzojë aplikacionet, të cilat nuk i përmbushin kriteret e aplikimit.

8. PROCEDURAT E AKTIVITETIT PËRFSHIJNË:

1. Aplikimi;
2. Vlerësimi dhe përzgjedhja fillestare (Faza e parë);
3. Përfituesit që kalojnë procesin e parë të përzgjedhjes do të vizitohen në shtëpitë e tyre dhe/ose lokalet ku operon biznesi;

4. Përzgjedhja finale e përfituesve (Faza e dytë);
5. Nënshkrimi i kontratës për investim dhe bashkë-financim nga përfituesi me 15% të vlerës së grantit;
6. Bashkëfinancimi/transferimi i mjeteve financiare nga përfituesi në llogari bankare të Help/FKL;
7. Organizimi i trajnimeve për përfituesit e përzgjedhur;
8. Shpërndarja e pajisjeve tek përfituesi;
9. Mbështetja teknike për përfituesit e përzgjedhur;
10. Puna në komunitet nga përfituesit;
11. Monitorimi i vazhdueshëm i përfituesve.

9. DETYRIMET KRYESORE TË PËRFITUESVE JANË:

1. Të bashkë-financojnë me 15% të vlerës së grantit përmes transferimit bankar në llogari të Help/FKL;
2. Të regjistrojnë veprimtarinë biznesore si entitet ligjor në përputhje me legjislacionin e Republikës së Kosovës para marrjes së pajisjeve.
3. Në rast se biznesi është i regjistruar, duhet punësuar ligjërisht të paktën një person;
4. Të shërbejnë të paktën 15 orë pune në komunitet;
5. Të marrë pjesë në trajnimet e organizuara nga Help/FKL.

10. MARRJA E APLIKACIONEVE:

Formën e aplikacionit mund ta:

1. **Merrni** në sesionet informuese në komunën tuaj, ose,
2. **Shkarkoni** nëpërmjet ueb faqes, në linkun www.help-kosovo.org

11. DORËZIMI I APLIKACIONEVE:

Data e fundit për aplikim është me **20 korrik 2015, e hënë, ora 16:00.**

Aplikacionet e plotësuar dhe dokumentet mbështetëse duhet të dorëzohen me postë në adresën:

Foundation Kosovo-Luxembourg

Fahu Postar nr. 156,
40000 Mitrovicë, Kosovë

Ky projekt financohet nga **Qeveria Gjermane, Qeveria e Kosovës, komunat partnere ndërsa zbatohet nga organizata Help në bashkëpunim me Foundation Kosovo-Luxembourg.**

Kosovë, 2015.
